



**Broj: 0101-4315-7/17**

**Sarajevo, 11. 09. 2017. godine**

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku usluge štampanja, na preporuku Komisije za javnu nabavku broj: 0101-4315-6/17 od 08. 09. 2017. godine, rektor Univerziteta u Sarajevu je d o n i o

### **ODLUKU**

#### **o izboru najpovoljnijeg ponuđača i dodjeli ugovora**

##### **Član 1.**

Prihvata se preporuka Komisije za javnu nabavku broj: 0101-4315-6/17 od 08. 09. 2017. godine i ugovor o javnoj nabavci usluge štampanja, dodjeljuje ponuđaču COMESGRAFIKA d. o. o. Beogradska 21, Banja Luka, čija ukupna cijena ponude iznosi 78.865,45 KM bez PDV-a (slovima: sedamdesetosamhiljadaosamstotinašezdesetpet KM i 45/100), iz razloga što je u otvorenom postupku, nakon uspješno okončane e-aukcije, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

##### **Član 2.**

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

##### **Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka javne nabavke broj: 0101-4315-1/17 od 30. 06. 2017. godine, Univerzitet u Sarajevu je pokrenuo otvoreni postupak za javnu nabavku usluge štampanja.

Za provođenje postupka predmetne javne nabavke Odlukom broj: 0101-4315-2/17 od 30. 06. 2017. godine, imenovana je Komisija za javnu nabavku u sastavu: Azra Zvizdić, predsjedavajući i članovi Salhudin Gadžo i Berina Smajlović.

Za zamjenske članove Komisije imenovani su: Dijana Smajlović i Mileva Piralić.

Obavještenje o nabavci broj: 999-1-2-129-3-24/17 objavljeno je na Portalu javnih nabavki dana 04. 07. 2017. godine.

Istog dana, na Portalu javnih nabavki objavljena je i Tenderska dokumentacija broj: 0101-4315-3/17.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 25. 07. 2017. godine u 10:07, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: MURIX DOO, Agencija Aligo, N.I.G.D. DNEVNE NEZAVISNE NOVINE, ekapija doo, Plavšić

d.o.o. Brod, "Svjetlost-BH print" d.o.o. Sarajevo, PLANJAX KOMERC, Infostrim d.o.o., GRAFIČAR, BBS Europe, R&S D.O.O. SARAJEVO, GRAFOMARK DOO, IMTEC D.O.O. SARAJEVO, GRIN d.o.o., ART MEDIA, Štamparija Fojnica dd Fojnica, COMPEX D.O.O., 4U d.o.o. Tuzla, CPU Printing company d.o.o., BLICDRUK DOO SARAJEVO, MAXI PLUS doo Tuzla, "Comesgrafika" d.o.o. Banja Luka, Pamuk d.o.o. Sarajevo, PRINT STUDIO, PROSPEKT DOO BREZA.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 25. 07. 2017. godine u 10:07, vidljivo je da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenjem tenderske dokumentacije.

Iz Zapisnika o otvaranju ponuda je vidljivo da je dana 25. 07. 2017. godine u 10,15 sati, Komisija za javnu nabavku, po redoslijedu prijema, izvršila javno otvaranje blagovremeno prispjelih ponuda slijedećih ponuđača:

R. br.	Naziv i sjedište ponuđača USLUGE ŠTAMPANJA	Broj prijemnog protokola	Datum i vrijeme prijema ponude
1.	Štamparija Fojnica d. d. Prokoški put bb, 71270 Fojnica	0105-5002/17	24. 07. 2017. godine u 11,45 sati
2.	GRAFOMARK d. o. o. Ruđera Boškovića 7, 78250 Laktaši	0105-5017/17	25. 07. 2017. godine u 08,20 sati
3.	COMESGRAFIKA d. o. o. Beogradska 21, Banja Luka	0105-5018/17	25. 07. 2017. godine u 08,20 sati

Na javnom otvaranju ponuda nije bilo prisutnih predstavnika ponuđača.

Zapisnik o otvaranju ponuda je u zakonskom roku upućen ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika o otvaranju ponuda je vidljivo da je sačinjen sažetak ponuda primljenih u roku po redoslijedu prijema (kriterij za dodjelu ugovora je najniža cijena):

Redni broj	Naziv i sjedište ponuđača	Ponuđeni popust	Ukupna cijena ponude
1.	Štamparija Fojnica d. d. Prokoški put bb, 71270 Fojnica	0,00 KM	87.716,00 KM bez PDV-a 14.911,72 KM = PDV 102.627,72 KM sa PDV-om
2.	GRAFOMARK d. o. o. Ruđera Boškovića 7, 78250 Laktaši	0,00 KM	99.774,60 KM bez PDV-a 16.961,82 KM = PDV 116.736,282 KM sa PDV-om
3.	COMESGRAFIKA d. o. o. Beogradska 21, Banja Luka	10 % 12.702,53 KM	127.025,30 KM bez PDV-a -12.702,53 KM-popust 114.322,77 KM bez PDV-a 19.434,87 KM = PDV 133.757,64 KM sa PDV-om

Iz Zapisnika Komisije za javnu nabavku je vidljivo da je Komisija provjerila računsku ispravnost dostavljenih ponuda i utvrdila da u ponudama ponuđača nije bilo računskih grešaka.

Iz Zapisnika Komisije za javnu nabavku je vidljivo da je Komisija započela sa pregledom i ocjenom ponuda, dana 25. 07. 2017. godine u 12,00 sati, radi pregleda i ocjene ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi

Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Iz Zapisnika Komisije za javnu nabavku je vidljivo da:

-ponuđač Štamparija Fojnica d. d. Prokoški put bb, 71270 Fojnica je dostavio Potvrdu

Vanjskotrgovinske komore BiH, kako je traženo Tačkom 25. Tenderske dokumentacije, pa je Komisija ocijenila da je navedeni ponuđač dostavio dokaz o ispunjavanju uslova za primjenu preferencijalnog tretmana domaćeg, tako da se na ponudu navedenog ponuđača primjenjuje preferencijalni tretman domaćeg;

-ponuđač GRAFOMARK d. o. o. Ruđera Boškovića 7, 78250 Laktaši je dostavio Potvrdu

Privredne komore Republike Srpske, kako je traženo Tačkom 25. Tenderske dokumentacije, pa je Komisija ocijenila da je navedeni ponuđač dostavio dokaz o ispunjavanju uslova za primjenu preferencijalnog tretmana domaćeg, tako da se na ponudu navedenog ponuđača primjenjuje preferencijalni tretman domaćeg;

-ponuđač COMESGRAFIKA d. o. o. Beogradska 21, Banja Luka NIJE dostavio Potvrdu Vanjskotrgovinske komore ili druge nadležne privredne komore, kako je traženo Tačkom 25. Tenderske dokumentacije, pa je Komisija ocijenila da navedeni ponuđač NIJE dostavio dokaz o ispunjavanju uslova za primjenu preferencijalnog tretmana domaćeg, tako da se na ponudu navedenog ponuđača NE PRIMJENJUJE preferencijalni tretman domaćeg.

Nakon pregleda i ocjene ponuda ponuđača, Komisija je u Zapisniku konstatovala slijedeće činjenice u vezi sa ponudom ponuđača GRAFOMARK d. o. o. Ruđera Boškovića 7, Laktaši:

-Ponuđač GRAFOMARK d. o. o. Ruđera Boškovića 7, 78250 Laktaši je dostavio Ovjerenu kopiju Aktuelnog izvoda iz sudskog registra broj: 057-0-Reg-Z-17-001375 od 27. 03. 2017. godine, što nije u skladu sa Tačkom 13.2.1. Tenderske dokumentacije, s obzirom da je original stariji od 3 (tri) mjeseca računajući od dana dostavljanja ponude.

Iz gore navedenog razloga, Komisija za javnu nabavku je ponudu ponuđača GRAFOMARK d. o. o. Ruđera Boškovića 7, 78250 Laktaši ocijenila kao NEPRIHVATLJIVU, odnosno ponuđača je isključila iz kvalifikacije za dalji tok vrednovanja.

Iz Zapisnika Komisije je vidljivo da je Komisija ponude ponuđača: Štamparija Fojnica d. d. Prokoški put bb, 71270 Fojnica i COMESGRAFIKA d. o. o. Beogradska 21, Banja Luka ocijenila kao prihvatljive, odnosno tehnički zadovoljavajuće, s obzirom da su ispunili sve uslove za učešće propisane članom 45. do 50. Zakona o javnim nabavkama BiH, te sve minimalne uslove koji su utvrđeni Tenderskom dokumentacijom.

Iz Zapisnika Komisije za nabavke je vidljivo da je za predmetnu nabavku, kao što je navedeno u Tenderskoj dokumentaciji i Obavještenju o nabavci broj: 999-1-2-129-3-24/17, predviđeno provođenje e-aukcije kroz sistem e-nabavke, te da je Komisija u skladu sa podzakonskim aktima, dana 26. 07. 2017. godine, kroz sistem e-nabavke zakazala održavanje e-aukcije za kvalificirane ponuđače za dan 28. 07. 2017. godine u 13:00:00 sati.

Iz Izvještaja o toku i završetku e-aukcije je vidljiva početna rang lista ponuđača koji su pozvani da učestvuju u e-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	Štamparija Fojnica d. d. Prokoški put bb, 71270 Fojnica	4236045660000	87.716,00 KM bez PDV-a*	1
2.	COMESGRAFIKA d. o. o. Beogradska 21, Banja Luka	4400813560006	114.322,77 KM bez PDV-a	2

\* Označava cijenu na koju se primjenjuje preferencijalni tretman.

Iz Izvještaja o toku i završetku e-aukcije, koji je generisan iz sistema javnih nabavki dana 28. 07. 2017. godine u 13:43:53, vidljivo je da je e-aukcija kvalificiranih ponuđača započela dana 28. 07. 2017. godine u 13:00:00 sati, te uspješno okončana dana 28. 07. 2017. godine u 13:10:00 sati.

Iz Izvještaja o toku i završetku e-aukcije je vidljiva konačna rang lista ponuđača koji su učestovali u e-aukciji (nakon završetka e-aukcije):

R.br.	Naziv ponuđača	IDB/JIB	Konačna cijena u KM bez PDV-a	Rang
1.	COMESGRAFIKA d. o. o. Beogradska 21, 78000 Banja Luka	4400813560006	78.865,45	1
2.	Štamparija Fojnica d. d. Prokoški put bb, 71270 Fojnica	4236045660000	87.716,00*	2

\* Označava cijenu na koju se primjenjuje preferencijalni tretman.

Komisija za javnu nabavku je dala preporuku rektoru Univerziteta u Sarajevu da za nabavku USLUGE ŠTAMPANJA, donese odluku o izboru najpovoljnijeg ponuđača i dodjeli ugovor ponuđaču COMESGRAFIKA d. o. o. Beogradska 21, Banja Luka, čija ponuda je, nakon provedene e-aukcije, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 78.865,45 KM bez PDV-a (slovima: sedamdesetosamhiljadaosamstotinašezdesetpet KM i 45/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.


#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

Rektor

Prof. dr. Rifat Škrijelj



#### **Dostaviti:**

1. Štamparija Fojnica d. d. Prokoški put bb, 71270 Fojnica
2. GRAFOMARK d. o. o. Ruđera Boškovića 7, 78250 Laktaši
3. COMESGRAFIKA d. o. o. Beogradska 21, 78000 Banja Luka
4. Prorektor za finansije
5. Generalni sekretar UNSA
6. Služba za računovodstvo i finansije UNSA
7. u evidenciju javnih nabavki
8. web stranica UNSA
9. a/a

#### **Prilog:**

- Zapisnik o pregledu i ocjeni ponuda
- Izvještaj o toku i završetku e-aukcije